

貴州通志

三



貴州通志卷之第五

大事

屬辭比事春秋教也郭青螺作點記而以大事冠於首千百年之已事莫不綱舉而目張其意遠矣自萬曆戊申以迄於今閱歲又將八十有五其間政令兵役之大者缺焉無紀何以昭明備乎蒐討放佚以成

一代之典章非徒追美前休亦將以詔後世不忘也作大事志

虞舜命禹征有苗

殷 成湯化異俗而懷鬼方出匡衡疏

高宗三十二年伐鬼方三年克之

周 周公伐西落鬼戎出竹書紀年

楚頃襄王命莊蹻將兵從沅水滅夜郎

秦 始皇帝通五尺道置夜郎吏尋廢

漢 武帝元光五年拜唐蒙為中郎將使夜郎○以夜

郎置犍為郡使其子為令○罷西彝

元鼎六年使馳義侯遣發南彝兵發南粵○且蘭

君反○詔八校尉擊且蘭○中郎將郭昌衛廣

引兵破且蘭斬首數萬○定西南彝以為牂柯郡

夜郎侯多同入朝以為夜郎王○牂柯太守吳  
霸請封夜郎王三子為侯從之

元封二年發巴蜀兵擊滅勞深靡莫以兵臨滇

昭帝始元元年牂柯談指同並等二十四邑皆反

遣水衡都尉發蜀郡犍為犇命萬餘人擊牂柯  
大破之

成帝河平二年夜郎王興與鈞町王禹漏卧侯俞

更舉兵相攻遣太中大夫蜀郡張匡持節和解

不從○金城司馬陳立為牂柯太守誅夜郎王

興

東漢光武帝牂柯郡功曹謝暹與郡大姓龍傳尹董

氏遣使從番禺江奉貢

安帝永初元年夏五月夜郎蠻彝舉土內屬傳云

千八百四十里

桓帝牂柯尹珍為荊州刺史

蜀漢後主建興元年夏牂柯太守朱褒反應雍闓

三年春三月丞相諸葛亮南征分建寧牂柯為興

古郡興古今普○馬忠為興古郡太守晉地理志南中

志通鑑雲南通志

晉武帝夔深為興古郡太守夔府君碑  
在曲靖

懷帝永嘉四年分牂柯郡置平彝夜郎二郡刺史

分王置遜 ○興古太守爨深與將軍姚岳同禦李雄

兵破之通雲南志 ○毛楚為牂柯太守楚南枳人出常

隋文帝開皇某年置黔安郡統都明陽郡統綏陽清

江郡牂柯郡州統地牂柯縣是時貴 ○置牂州今普

之屬

仁壽四年置務川扶陽二縣屬庸州今扶陽 ○廢

庸州以務川隸巴東郡

煬帝大業某年首領謝龍羽據黔中

唐高祖武德元年改黔安郡為黔州

二年黔安清江各郡內屬○置義州在今龍泉統

陽都牢洋西平州領附唐平彝盤水

三年謝龍羽遣使入朝拜祥州刺史夜郎郡公○

充州蠻來朝在祥州百

四年置黔州都督府督務地皆屬之是時○置費州

廢費州府在彝州義泉郡即今石阡府治以務州

領務川涪

五年更義州為智州

太宗貞觀元年廢彝州義泉郡○以廢彝州六縣

廢思州五縣屬務州廢彝州之伏遠寧彝思義



州之丹城樂威化思王多田五縣俱屬務  
州今廢思王城樂多田三縣址俱在思南 ○改

西平州為盟州隸戎州都督府

三年閏十二月丁未東謝蠻長謝元深南謝蠻長

謝強來朝 ○詔以東謝為應州南謝為莊州隸

黔州都督州今疑即南府有廢莊

四年開山洞復以都上縣置彝州義泉郡即今萬

○改務州為思州 ○置費州治於涪川

五年置夜郎縣屬巫州

八年割思州多田城樂屬費州

九年分牂柯郡置郎州領恭水高山貢山柯  
盈邗施釋鷲六縣

十年以思州高富縣屬黔州今高富廢縣

十一年徙彝州治於綏陽州即今真○更智州為牢

州徙治義泉○以綏陽高富屬彝州○罷黔州

都督府置莊州都督今廢莊南府在○省郎州并六

縣

十三年置播州於郎州置播州之名始此仍置六縣

十四年更恭水六縣名更貢山水曰羅蒙高山曰帶

水邪施曰胡刀羅為釋鷲

十六年更羅蒙縣為遵義遵義之名始此○置溱州領扶

有廢扶歡三縣今思南府○置溱州領扶

十七年廢牢州以義泉屬彙州今義泉廢縣在道義府

二十年以彙州芙蓉瑯川屬播州

高宗顯慶五年廢舍月湖江羅為三縣

武后垂拱二年置萬安縣隸錦州即今銅仁府治

中宗景龍四年廢莊州都督府置播州都督

玄宗先天元年廢播州都督府復置於黔州

開元二十五年以寧彙縣屬彙州○充州蠻長趙

君道來朝

二十六年廢胡刀瑯川二縣并入帶水在播州廢縣

天寶元年改黔州為黔中郡都督如故領施彙播恩費珍溱

商八州 ○改彛州為義泉郡播州為播州郡思州

為寧彛郡費州為涪川郡溱州為溱溪郡珍州

為夜郎郡 ○改萬安為常豐縣

肅宗乾元元年復以黔中郡為黔州都督府 ○復

義泉播州寧彛涪川溱溪夜郎六郡仍為州

代宗大曆某年東蠻為蠻據于矢部今州

德宗貞元元年充州蠻來朝

十八年充州蠻來朝

憲宗元和元年置蘭州即今市

二年夏五月詔黔南遣將押領祥柯等使

八年羅羅鬼主表請歸牂柯地

穆宗長慶二年黔中蠻叛觀察使崔元畧以聞節

度使段文昌使人開曉蠻引退

文宗開成元年鬼主阿珮內屬

武宗會昌某年封羅羅別帥為羅甸殿一作王

懿宗咸通十一年南詔陷播州

昭宗大順二年黔中附于蜀建王

梁楊再思自稱誠州刺史

後唐明宗天成二年羅甸王普露靖率其九部落入

貢於唐○牂柯清州刺史宋朝化等來朝

晉高祖天福五年羅甸附於楚○都雲蠻長尹懷昌

率其屬十二部牂柯蠻長張萬濬率其屬思葵

等州皆附於楚○楚王馬殷遣八姓帥率邕管

柳州兵討兩江溪洞留軍戍之遂各分據八番

○土蠻楊正巖據十洞偽稱徽誠二州刺史附

於楚靖地黎

宋太祖乾德三年秋七月珍州刺史田景遷內附珍州

即今○廢蘭州置永寧路

五年南寧州龍彥瑫來貢以為歸德將軍南寧州

刺史蕃落使○以順化王武才為懷化將軍弟

若啓為歸德司階○諸部落王子若溢等並為歸德司戈○冬以珍州錄事參軍田思曉為博州牢城都指揮使

開寶元年改珍州為高州從田景遷請也

二年武才入貢以為歸德將軍

四年龍彥瑫卒武才及八刺史請以彥瑫子漢瑋為嗣從之

八年田景遷卒以其子彥伊為高州刺史○三十九部王子若發等入貢○析羅旬置大萬谷落總管府以宋景陽為寧遠軍節度使都總管宣今

氏 魁 宋 祖

太宗 太平興國二年 誠州蠻長楊通蘊內附 誠州

靖 ○以楊通寶為誠州刺史 入通蘊卒弟通寶以為刺史

三年 癸州蠻任朗政等入貢 ○置綏陽夜郎二縣

州 隸 珍

五年 南寧州蠻長龍瓊琚遣子羅若從等入貢

雍熙二年 秋八月 奉化王子以慈等入貢 ○癸王

龍漢璿自稱權南寧州事兼藩落使 ○龍漢璿

遣祥柯諸州蠻長趙文橋等入貢 并上偽蜀所

給符印 ○以龍漢璿為歸德將軍南寧州刺史



趙文橋等並為懷化司戈

端拱二年龍漢璿約五溪都統向通漢入貢

淳化元年龍漢璿遣弟漢興來朝○誠州刺史楊

璵入貢

璵通  
璵子

二年彝王龍漢興及都統龍漢曉入貢○刺史龍

光顯光盈及順化王兩滯等各入貢

至道元年彝王龍漢曉遣龍光進率牂柯諸蠻入

貢○高州來貢○以龍漢曉為寧遠大將軍封

歸化王○以羅以植為安遠大將軍龍光顯光

盈並為安化大將軍龍光進等並為將軍郎將

三年分黔中隸荆湖劍南之東西三路

**真宗**咸平元年癸王龍漢瓊遣龍光暎率牂柯諸

蠻入貢○授龍光暎等官○古州刺史何通扆

入貢

今黎平有古州司

三年都部署張文默來貢○高州刺史田彥伊遣

子入貢及輸兵器

四年高州蠻何君猛遣弟君泰來朝

五年秋七月高州刺史田彥伊子承寶等來朝賜

巾服金幣○以田承寶為山河使溪洞都監○

龍漢瓊遣牙校率部蠻入貢賜冠帶於崇德殿

六年秋七月高州義軍指揮使田彥強防禦指揮使田承海來貢

景德元年高州五姓義軍指揮使田文鄴來貢○  
詔牂柯諸國入貢使令廣南西路發兵援之

三年高州新附蠻長來貢○高州諸豪入貢

四年夏五月以田承寶為寧武郎將土軍都指揮使田思欽為安化郎將

大中祥符元年加古州刺史向光普檢校太子賓客

八年南寧州彝族張聲進訟龍瓊於朝

天禧四年向光普遣使鼎州祝釐

**仁宗**天聖四年龍光凝來貢

景祐三年龍光辨來貢

康定元年龍光瑋來貢

慶曆五年龍以特來貢○以蕃落使龍光辨為寧

遠大將軍龍光凝龍異豈並為安遠大將軍龍

異魯為寧武大將軍

皇祐二年龍光澈等入貢

至和二年龍以烈龍異靜等來貢○以首領張漢

陞王子羅以崇等為將軍郎將

嘉祐某年龍以烈率龍姓諸部入貢

**英宗**治平四年冬十二月丙辰知靜蠻軍蕃落使

龍異閣等來朝○以龍異閣為武寧將軍官其屬

**神宗**熙寧元年龍異玃來貢

三年張漢興入貢○授龍異玃靜蠻軍張漢興捍

蠻軍並節度使

六年夏四月乙亥龍蕃羅蕃方蕃石蕃入貢○五

月癸卯朔播州楊貴遷遣子光震入貢以光震

為三班奉職○詔西南五姓蕃五歲一貢

元豐二年秋九月甲午羅蕃方蕃入貢○冬十月

丙申石蕃入貢○是時改隸黔中於湖北夔州

二路

四年楊光震助官軍破乞弟殺其黨阿訛

五年張蕃乞添貢奉人不許

七年程蕃乞貢依五姓蕃例從之

**哲宗**元祐二年石蕃石以定等入貢

四年冬十月辛丑程蕃入貢○丁未龍蕃入貢

五年冬十二月辛卯龍蕃入貢

七年冬十二月庚午龍蕃羅蕃入貢

紹聖二年冬十二月戊子韋蕃入貢

三年冬十一月甲戌龍蕃羅蕃入貢

四年春三月丁卯播州楊光榮納土

元符元年冬十一月甲子張蕃羅蕃程蕃韋蕃入

貢

**徽宗**大觀元年番部長田祐恭入朝州祐恭即思田氏祖

二年高州帥駱世華納土復名珍州

三年春二月丙子朔播州楊文貴納土置遵義軍

政和某年復置思播珍承濠五州尋廢

宣和元年以田祐恭加貴州防禦使名貴州此之○某

年廢播州為播川縣隸南平軍○置播州宣撫

司

**高宗**

紹興元年置思州軍

領安慶邛水思  
婺川四縣

三年廣西邕州置司提舉市馬於羅甸

七年胡舜陟為待制帥邕州市馬羅甸

二十四年夏四月辛丑小張蕃入貢○己酉羅甸

國貢名馬

**寧宗**

嘉泰元年土官宋永高平麥新以其子宋勝

守之○

改麥新為新添

新添名  
始此

嘉定 年以宋永高陞貴州經畧安撫使

六年秋八月庚午思州田宗範叛夔州路安撫司



遣兵討平之

理宗寶慶二年秋七月己酉思播守臣田應庚楊

文各遷官一級

以守禦勤勞

紹定元年夏五月甲辰羅氏鬼國言元兵屯大理

國取道西南入邊詔思播結約羅鬼為援予銀

二年春二月壬戌築思州三隘

三年夏四月丁酉詔田應己駐思州○築播州關

隘防禦○秋七月乙亥呂文德入播州詔京湖

給銀萬兩○冬十一月甲寅築黃平賜名鎮遠

州鎮遠名始此

開慶元年秋七月辛亥知播州楊文知思州田應

庚各遷官一級以守禦

**元憲宗**于矢部內附置萬戶府尋改為普山府今普

是○按一統志元憲宗時于矢部內附置通志  
作元延祐四年又是仁宗今從一統志

**世祖**中統元年改永寧路為總管府川隸四

至元十二年冬十二月己亥四川行樞密皆順請

降詔貸播州安撫楊邦憲思州安撫田景賢並

許世封從之

十四年春三月庚戌田楊二家豕鵝彘民各遣使

納款○夏五月乙卯詔諭思州安撫使田景賢

使其來附○冬十一月甲申播州安撫使楊邦憲乞降璽書從之

十五年夏五月乙未詔烏蒙路總管阿牟置驛修

路聽雲南行省平章賽典赤節制○秋七月壬

午官軍襲思州烏羅洞○冬十二月庚辰思播

安撫使田景賢楊邦憲請歸宋舊借鎮遠黃平

二城仍撤戍卒不允○田景賢等請降詔禁戍

卒毋擾思播民從之○丙申以鼎山仍隸播州

從安撫楊邦憲請也

十六年春正月壬戌改鼎山縣為播州縣○丙子

賜思州田師賢部軍衣服及鈔有差○夏六月

丁丑詔諭王相府及四川行省宣慰司撫治播

川務川西南諸彝○秋七月癸酉西南八番羅

氏等國來附洞寨凡一千六百二十有六戶置八

番羅甸等處軍民宣慰使司及都元帥府於貴

州○置都雲定雲二府隸思明路都雲府領都雲縣定雲府

領合江陳○廢都雲定雲府改二安撫司隸雲

○置銅仁長官司隸都雲

十七年春三月甲辰思播侵鎮遠黃平界命李德

輝等往視之○己未詔討羅氏鬼國命以蒙古

軍六千哈刺章軍一萬西川樂刺海萬家奴軍  
萬人阿里海牙軍萬人三道並進○夏六月壬  
申遣呂告蠻部安撫使王阿濟同萬戶皆坤招  
諭羅氏鬼國○秋七月辛丑勅思州安撫司還  
舊治○甲子括蒙古軍勅亦來等率萬人討羅  
氏鬼國○九月丁卯羅氏鬼國王阿察及阿里  
降安西王相李德輝遣人皆入覲○更鬼國為  
順元路○冬十月壬辰亦奚不薛病遣其從子  
入覲不許從帝曰亦奚不薛不稟命輒以職授其  
還○十二月己卯羅氏鬼國入寇阻思播路發

兵千人與洞蠻開道○八番羅甸宣慰司請增

戍卒從之旣分折以三千人戍八番後征亦奚不

益兵以備戰守

十八年春二月丙戌詔諭烏瑣納空等毋擾羅氏

鬼國○秋閏八月丁巳命播州每歲親貢方物

○改思州宣撫司為宣慰司兼管內安撫使

十九年春二月壬子詔亦奚不薛及播思叙三州

軍征緬○三月辛酉朔烏蒙叛勅那懷火魯思

迷率蒙古漢人新附軍討之○戊子立塔兒八

合休驛以烏蒙阿謀歲輸驢馬給之○夏六月

丁巳征亦奚不薛盡平其地立三路達魯花赤  
留軍鎮守命藥刺海總之○秋八月庚寅忙古  
帶征羅氏鬼國還仍佩虎符為管軍萬戶○九  
月壬申亦奚不薛之北蠻洞向世雄兄弟及散  
毛諸洞叛命四川行省就遣亦奚不薛軍前往  
招撫之使其主偕來○是年以降彝八番金  
筑百萬砦為郡縣置順元路金筑府

二十年夏四月庚戌右丞也速帶兒招撫筠連州  
定州阿永都掌等處蠻獨山都掌蠻不降進軍  
討之生擒蠻長得蘭紐送班師○秋七月丙寅

立亦奚不薛宣慰司益兵戍守開雲南驛路分

亦奚不薛地為三設官撫治之○壬申亦奚不

薛千戶宋添富及順元路總管兼宣撫阿里等

來降班師○羅鬼蠻長阿里入覲立亦奚不薛

總管府命阿里為總管○以討平九溪十八洞

為郡縣并立總管府俱聽順元路宣慰司節制

○改普山府為普安路隸雲南領和龍八納習

○改普安路為安撫司尋復為路隸曲靖宣慰

司領和龍八納習置

普定府隸雲南統永

寧習安二州



二十一年夏閏五月己卯思播二州隸順元路宣  
撫司○冬十二月丙寅八番劉繼昌諭降龍昌  
寧龍延萬等來貢各授安撫使○立宣慰司招  
撫西南諸蕃

二十二年春二月丙午以八番羅甸隸西川行省  
○秋九月癸巳烏蒙叛命四川行院也速帶兒  
將兵討之○冬十月丁卯烏蒙蠻爨宣撫使阿  
蒙叛詔止征羅必丹兵同雲南行省出兵討之  
二十三年夏六月辛酉封楊邦憲妻田氏為永安  
郡夫人領播州安撫司事

二十五年夏五月丁酉改雲南烏撒宣撫司為宣

慰司兼管軍萬戶府

二十六年春二月丁卯命萬戶劉得祿鎮八番○

秋八月癸酉以八番羅甸宣慰使司隸四川省

○甲戌改金竹寨為金竹府○冬十月乙卯以

八番羅甸隸湖廣省○十一月丁巳改播州為

播南路

二十七年春二月戊寅播州安撫使楊漢英進兩

犴干○秋七月戊午貴州苗作亂陷順元路湖

廣省檄八番蔡州均州二萬戶府及八番羅甸

宣慰司合兵討之○九月戊申金筑府知府梯  
閣貢馬○金筑府趙堅招降竹古弄古魯花等  
寨乞立縣從之

二十八年春二月辛巳以八番羅甸司復隸四川  
省○秋八月己卯詔諭思州提省溪洞官楊都  
要招安叛蠻來歸者免罪○冬十月辛巳割八  
番洞蠻自四川隸湖廣行省○十二月丙戌八  
番洞官吳金叔等以所部內附入貢

二十九年春正月丙申仍以羅甸宣慰安撫司隸  
雲南○癸丑設陳蒙爛土軍民安撫司○丙辰

楊漢英為紹慶珍州南平等處沿邊宣慰使管

軍萬戶仍佩虎符○二月甲子朔金竹蠻長騷

驢貢馬羶各二十有七從其請減所部貢馬降

詔諭之○賜新附黑蠻衣襖命進所產硃砂雄

黃無則止○庚午幹羅思招附桑州生苗羅甸

國古州等洞蠻長詣闕貢獻二十一萬九千三百二十

十六○三月戊申合宣慰司及都元帥府置八

番順元宣慰司都元帥府○命亦奚不薛與思

播州同隸湖廣省羅甸還隸雲南○以八番羅

甸宣慰使幹羅思等並為八番順元等處宣慰

使都元帥佩虎符○庚戌駕幸上都賜速哥斡  
羅思不賽因不花蠻奩長金幣及弓矢鞍轡○

夏五月丁未改思州安撫司為軍民宣撫司隸

大湖廣省○秋九月丁卯八番斡羅思招附光蘭

州洞蠻宜置定遠府○禿干高守文黃世曾燕

只哥為定遠府達魯花赤知府同知判官

三十年夏四月癸亥括思播等處亡宋湮手軍○

冬十二月乙未督思播二州及鎮遠黃平發宋

舊軍從征安南

三十一年夏五月丁卯八番宣慰使斡羅思有罪

逃還京師○秋七月戊辰減八番等處官二百

六員八番稱新附九十萬五千餘戶設官四百二十四員及遺官覈實止十六萬五千餘戶故減之

成宗元貞元年春正月乙丑以亦奚不薛復隸雲

南行省○二月戊子思州田曷刺不花入來貢

○夏四月癸巳以同知烏撒烏蒙等處宣慰使

司事牙那朮假兵部尚書佩虎符

大德元年夏五月庚寅平伐蠻長內附隸於亦奚

不薛○九月壬戌八番順元等處初隸湖廣後

改隸雲南雲南戍兵不至其屯駐舊軍逃亡者

衆仍命湖廣行省遣兵代之○十一月丁丑字

羅歡為烏撒烏蒙等處宣慰使○十二月己卯  
平伐等蠻未附播州宣撫使楊漢英請討之  
四年二月乙亥立烏撒縣

五年夏五月壬戌土官宋隆濟叛○冬十月丁未  
遣劉國傑及也先忽都魯八剌阿塔赤將兵討

### 宋隆濟

六年春正月乙卯增劉國傑等軍仍令屯戍險隘  
俟秋進師○乙未以諸王真童誣告濟南王謫  
置劉國傑軍中自效○二月丙戌遣陝西省平  
章也速帶兒參政注惟勤將川陝軍湖廣平章

劉國傑將湖廣軍征亦奚不薛○冬十一月甲午劉國傑裨將宋光率兵大敗蛇節賜衣二襲仍授金符○十二月丙子劉國傑也先忽都魯來獻蛇節羅鬼等捷

七年夏四月庚辰蛇節降令海刺孫將兵五千守之餘衆悉遣還戍撥碉門四川軍二千鎮羅羅斯其土軍放還○丁亥誅蛇節○冬十月乙未貸蛇節養子阿闕撫本境民○庚子改普定府為路隸曲靖宣慰司○以故知府容直妻適姑為普定總管佩虎符○十一月甲寅亦奚不薛



魏傑等降人賜衣一襲遣還招首亂者

八年春正月庚申雲南順元同知宣撫使宋阿重  
俘其叔隆濟來獻晉秩賜衣一襲○夏四月己  
巳以平宋隆濟功賜諸王脫脫亦吉里章床兀  
而等銀鈔金幣玉帶及大理金齒曲靖烏撒烏  
蒙宣慰等官銀鈔各有差

十一年夏五月甲申免雲南八番田楊地差稅一  
年

**武宗**至大三年春正月辛丑乖西帶蠻阿馬等入  
寇遣萬戶移刺四奴及調思播土兵討之

仁宗四年春二月庚子思州宣撫司招諭官唐銓

以洞蠻楊正思等來朝賜金帛有差○夏五月

戊子羅鬼蠻入貢方物

皇慶二年春二月丁亥以乘西府隸播州宣撫司

延祐元年遣刑部侍郎曹伯啓詰八番帥擅殺罪

二年秋七月壬寅旌貴州達魯花赤相元孫妻脫

脫真死節樹碑任所

三年冬十月壬申調四川雲南軍馬蒙等處屯田

置總管萬戶府秩正三品設官四員隸雲南省

五年夏五月辛酉朔順元宣撫使阿晝以洞蠻黑

冲等來朝○秋七月丙寅調軍五千烏蒙屯田  
置總管萬戶府秩正三品給銀印○冬十月己丑播州南寧長  
官洛麼叛思州守臣換住哥招降之

英宗至治二年冬十一月己未置八番軍民安撫

司改長官所為州縣共二十有八

三年春二月丙寅罷播州黃平府長官所徙其民

隸黃平○冬十二月丁亥免八番思播差稅一

年

泰定帝元年秋七月丙戌思州平茶楊大車酉陽

州奔世昌寇小石那凱江等寨調兵捕之

二年秋七月丙辰播州蠻黎平愛等入寇湖廣行  
省請兵討之不許詔播州安撫使楊燕里不花  
招諭之○庚午思州洞蠻楊銀千等入貢○冬  
十月己丑播州凱黎苗入寇○丁巳岑世興結  
八番蠻班光金等合兵攻石頭等寨勅調兵禦  
之八番宣慰司官失備坐罪

三年春正月丙午播州安撫使楊燕里不花招諭

黎平愛等來降○夏四月癸丑八番巖霞洞蠻

來降願歲輸布二千五百匹設蠻換官鎮撫之○六月癸未播州蠻

黎平愛復叛合謝烏窳為寇安撫使楊燕里不

花招平愛出降命湖廣行省討謝烏窮○冬十  
一月辛酉播州蠻宋王保來降

四年春二月戊子以馬忽思為雲南行省平章政  
事提調烏蒙屯田○秋七月甲辰播州蠻謝烏  
窮來貢○九月甲午以同知烏撒宣慰司事徐  
出公土官招南通並為宣慰司都元帥○冬十  
一月庚午田仁智為思州宣慰使

**文宗**天曆二年春正月丁丑四川囊加台陷播州  
猫兒隘安撫使楊燕里不花開關納之○壬午  
播州楊燕里不花引四川賊至烏江峯官軍敗

之○八番元帥脫出破烏江北賊復奪關口○

諸王月魯帖木兒荅刺罕諸軍俱至烏江○二

月丙午囊加台分兵逼襄陽湖廣行省調兵鎮

播州及歸州○癸丑諸王月魯帖木兒等至播

州招諭土官楊燕里不花等來降○乙卯置銀

沙羅甸等處宣慰司都元帥府○三月戊辰雲

南諸王荅失不花禿堅伯忽等叛等丞相也兒

吉尼奔八番○九月甲子賜雲南烏撒土官祿

余精衣一襲

至順元年春二月己丑禿堅伯忽等陷仁德府至

馬龍州調八番元帥完澤將兵禦之○三月甲寅賜八番順元曲靖烏撒烏蒙蒙慶幣帛各一○戊午命八番順元宣慰使帖木兒不花為雲南行省左丞從豫王由八番道討雲南○夏四月壬寅烏蒙土官祿余殺烏撒宣慰司官吏降於伯忽○羅羅蠻叛應伯忽殺平章帖木兒不花○雲南賊祿余拒烏撒順元界立關固守○重慶五路軍至雲南境與羅羅蠻戰敗績千戶祝天祥等遁還○命諸王云都思帖木兒及樞密判官洪浹將江淅河南兵與湖廣行省平章

脫歡會兵討雲南○五月辛酉四川行省討雲  
南軍次烏蒙○甲戌八番乖西解苗阿馬察伯  
秩等叛詔樞密臣分兵討之○乙亥置順元宣  
撫司統荅刺斤軍征雲南人賜鈔五錠○六月  
丙申立行樞密院討雲南教化從豫王阿刺忒  
納失里等由八番分道進兵○秋七月丁丑禿  
堅伯忽等連烏撒祿余約烏蒙東川芒部諸蠻  
反謀攻順元○遣使督豫王阿納忒刺失里及  
行樞密院四川雲南行省亟會諸軍討雲南○  
冬十月辛未烏蒙路土官阿朝阿累等降貢方



物○乙亥四川行省平章塔出兵出永寧左丞  
孛羅兵出青山芒部並進陳兵周泥驛及祿余  
等戰破之乘勝奪關道順元諸軍○十一月四  
川省臣塔出脫帖木兒等兵至烏撒周泥驛進  
擊祿余阿奴阿荅等屢敗之○敗祿余等於七

星關

六日凡十七戰  
賊大敗潰去

二年春正月戊寅徹里鐵木兒孛羅敗烏撒蠻射  
中祿余降其民○烏蒙東川易良州彝獠款附  
○三月癸巳八番軍從征雲南者俱屯貴州發  
粟給之○夏六月丙寅撤雲南出征軍○烏撒

羅羅蠻復叛殺戍軍黃海朔等○撒加伯叛命雲南行省毋輕撤戍兵○官兵擊烏撒賊五戰破之祿余遁○九月丙子祿余兵殺烏撒宣慰使月魯東川路府判教化的○庚寅祿余寇順元路○丁酉雲南行省遣都事那海鎮撫藥智等詔諭祿余授以參政祿余拒不受○烏撒賊入順元境王師敗績那海死之左丞帖木兒不花遁○冬十一月壬申朔亦奚不薛所牧國馬乏鹽令四川行省以鹽給之

三年春二月辛丑朔八番駱度來貢○己酉祿余

乞降仍乞改屬四川省隸永寧路○己亥賜行  
樞密院鈔分給征烏撒烏蒙軍

**順帝**元統元年改永寧路為鎮邊都元帥宣撫司  
至元元年秋八月丙午以烏撒烏蒙隸四川行省  
二年秋八月甲戌朔詔雲南八番官死不能歸者  
有司給貲護送還鄉遠者加鈔無親屬者官為  
瘞之

三年夏五月癸卯給平伐都雲定雲安撫司達魯  
花赤暗都刺等虎符

至正九年鎮遠苗叛

二十二年鎮遠州知州田茂安降於偽夏○偽夏

明玉珍置思南道都元帥府治即今○明玉珍遣

指揮李芝麻帥兵由八番分陞雲南出平夏錄是時貴州

屬偽夏

○明吳元年思州田仁智內附授思州宣慰使

洪武四年蠻長密定等內附罷八番順元等處軍

民宣慰司都元帥府并宣撫安撫司順元路貴

州○置貴州宣撫司隸四川○夏六月壬寅夏明

昇降獻養龍坑良馬賜名飛越峯○置貴州衛

隸四川○置永寧宣撫司

五年春正月江陰侯吳良討古州等蠻平之○分

置思州思南二宣慰使司隸湖廣○秋八月宣慰

使竊翠請討隴居不許○改銅仁司隸思州宣

慰司○置永寧衛

六年陞貴州宣撫司為宣慰使司仍隸四川

八年改黃平府重安長官司俱為安撫司○置黃

平所

九年秋八月播州思南宣慰使楊鏗田仁智入朝

十年安陸侯吳復破普定阿買寨

十四年秋九月胡傅友德為征南將軍征雲南大

貴州通志 大事 卷之第五

軍由辰沅趨貴州○冬十二月友德兵攻普定

擒安鎖羅鬼犵狁悉降○友德下普安留兵戍

守○改貴州衛隸貴州○置普定府衛隸四○

冬十二月戊寅友德克烏撒諸蠻

十五年夏四月烏撒諸蠻叛友德移兵討平之○

秋八月設貴州都指揮使司○汝南侯梅思祖

署都司尋卒○改黃平所隸貴州○置烏撒衛

○平涼侯費聚署都司○開設屯堡

十六年置普定軍民府○土婦適恭為普安知府

適恭土蠻那邦妻適○置都雲安撫司隸四○  
恭卒以子普旦嗣

置永寧州隸普定府○改習安州為安順州隸普定府○

置畢節衛

十七年改餘慶州白泥州真州俱為長官司○改

草塘長官司為安撫司○封傅友德穎國公

十八年夏四月思州苗叛征魯將軍湯和副將軍

周德興帥師從楚王討平之○廢普定府○秋

九月乙亥洞蠻吳面兒寇古州命信國公湯和

從楚王剿捕○冬十月乙卯湯和平古州詔楚

王還國

十九年春正月穎國公友德長興侯耿炳文帥師

貴州通志 卷之第五 二十七  
討雲貴諸蠻○夏六月甲辰平越麻哈苗楊孟  
等叛友德討平之○封陳桓普定侯

二十年冬十一月靖寧侯葉昇普定侯桓討東川  
普定諸蠻平之○降營陽侯楊信為普定衛指  
揮使○十二月復命靖寧侯昇普定侯桓屯田  
於畢節等衛

二十一年夏五月東川蠻叛征南將軍穎國公友  
德左右副將軍西平侯沐英普定侯桓帥師討  
平之○秋九月友德遣將分討東川叛蠻平之  
○詔普定侯桓屯田畢節○冬宋國公馮勝鎮



永寧

二十二年夏五月狼洞黃平蠻叛友德討平之○

置赤水興隆安莊三衛○降六安侯王威為安

南衛指揮使清後平改○普旦連阿資馬乃叛隘普

安府尋討平之○罷普安府置衛隸雲南尋改

貴州今移治○置普市所

二十三年春正月貴州苗叛延安侯勝宗討平之

○降宣德侯金鎮平壩衛指揮使○徙思南宣

慰司於水德江○置新添龍里威清安南平壩

清平六衛○改都雲安撫司為都勻衛○都勻

蠻叛涼國公藍玉遣鳳翔侯張龍討平之散散狗

二蠻  
作亂

二十四年景川侯曹震貴州都司馬擘鑿永寧河  
二十五年春正月古州洞蠻叛都督俞通淵討平  
之○夏五月封通淵越雋侯世襲○秋七月命  
都督王成通貴州道路

二十八年秋八月貴州蠻阿榜及曹寧等司叛守  
將顧成討平之○置貴州前衛

三十年春二月水西蠻叛征南將軍顧成討平之  
○三月庚辰古州蠻林寬叛龍里千戶吳得鎮

撫井孚死之○夏五月乙卯楚王湘王征古州  
蠻○七月辛巳二王率都督楊文等征清平黔  
陽古州諸蠻悉平之

三十一年平羗將軍何福擒永寧蠻十八加如○

何福討畢節都勻諸苗平之進征五開○冬十

二月故都督府高巍乞歸田里并論時政

巍時成貴州

永樂元年置普安安撫司○以土蠻慈長為普安

安撫

隸普安衛

七年封何福寧遠侯○播州楊昇請剿尚科等寨

不許

九年春正月勅貴州都司發兵討交趾

十一年春三月田琛田宗鼎伏誅罷宣慰司置思

州新化黎平思南鎮遠石阡銅仁烏羅八府○

設貴州布政使司工部侍郎蔣廷瓚為左布政

使○改貴州宣慰司隸貴州布政司

十二年改烏撒衛隸貴州

十三年慈長叛改普安安撫司為州

領羅羅彝民十二部

十七年改都勻衛隸貴州都司

十八年設貴州提刑按察司

十九年春正月增戶刑二部貴州司

洪熙元年令免徵貴州宣慰司鹽鈔○令貴州願  
試者就試湖廣

宣德元年詔雲貴合鄉試定額十名是年貴州  
未有中者

二年定會試南北中卷數以雲貴入中卷

四年增雲貴解額一名雲南十人貴州  
一人共十一名

七年增雲貴解額四名定雲南十人貴州  
五人共一十五人

正統元年以木瓜麻嚮大華三長官司割屬金筑

安撫司直隸貴州布政司程番等十三長官司

改隸貴州宣慰司

二年改永寧州隸貴州布政司

三年省鎮遠州并干○設安順州流官布政司○

改普定衛隸貴州

四年春三月以廢烏羅府朗溪司隸思南烏羅平

頭二司隸銅仁○始命右副都御史丁璿巡撫

貴州○令免徵鎮遠等府鹽鈔

六年增雲貴解額五名雲增三名貴增二名○裁清軍

御史○添設屯田副使

九年置施秉縣○夏六月壬午賑苗民饑

十二年增雲貴解額五名雲增二名貴增三名

十四年春二月印水苗隘思州府○爛土凱口苗

攻都勻城官軍却之○草塘苗龍惟保隘石阡  
府知府胡信死之○苗隘平越衛○苗隘黃平  
所○苗隘思南府○夏四月尚書王驥檻送苗  
酋巫富於京師伏誅尋召驥還○秋七月御史  
申祐扈蹕於土木死之祐思南人○苗賊攻赤水城  
都司張祥死之○冬十月總督兵部侍郎侯璉  
副總兵都督方瑛討貴州苗平之

景泰元年夏四月吏部侍郎何文淵奏罷貴州布

政司不許○侯璉為兵部尚書尋卒卒於普定○詔

雲貴鄉試不拘額○苗賊韋同烈據香爐山叛

○羿蠻叛攻永寧指揮吳珍率兵敗之○是年  
始專設巡撫○保定伯梁瑤右都御史王來督  
同參將都督方瑛陳友等征湖貴苗

二年春三月右都御史王來討韋同烈平之○水  
西永側彝叛攻平壩城官軍敗之

三年冬十月征南總督都御史王來還京○封石  
瑤保定侯方瑛南和伯以香爐山功○蠲貴州思印

江長官司水銀課婺川縣如舊

七年定雲貴解額三十名

內雲二十人貴十人

天順元年春二月湖南諸苗平兵部尚書石璞還



京總兵官南和伯方瑛鎮守湖貴○封方瑛南

和侯陳友武平侯陳銅以平五○大壩山都掌蠻

叛宣屬永寧

八年謫南給事中王徽普安州判官牛以諭太監

成化三年程信為兵部尚書督川湖雲貴兵討山

都掌蠻平之○打罕州土蠻韋阿禮叛調泗城

州兵討平之打罕州屬永寧州

四年增雲貴解額十名雲增四人貴增六人共四十人

八年裁巡撫

九年夏四月建鐘鼓樓白尚書圭記

貴州通志 大事 卷之第五 三十一

十年置程番府領長官十三○增雲貴解額五名為雲南增

共四十五人

十一年復設巡撫

十四年彭韶為左布政○總兵吳經請征普定蠻

不許

十六年設布政司管糧右參政

十九年夏四月謫陝西巡撫鄭時為貴州參政

二十年貴州布政使彭韶為副都御史巡撫江南

總督糧儲

二十三年孔鏞為右副都御史巡撫貴州

弘治二年春三月丁亥謫職方主事李文祥為興

隆衛經歷

城文祥麻人

○鄧廷瓚為右副都御史巡

撫貴州

四年爛土蠻乜富架重惡龍等叛

迷乜音

五年夏四月副都御史鄧廷瓚總兵鎮遠侯顧溥

帥師討爛土蠻○夏六月改平越黃紱為南院

右都御史○秋七月南右都御史黃紱致仕

六年置都勻府○改印江司為縣

南隸思

七年春二月爛土蠻平加顧溥歲祿鄧廷瓚右都

御史掌南院事尋總督軍務兼巡撫

八年置麻哈獨山二州清平永從二縣○增雲貴

解額五名內雲增二名貴增三名共五十名

十一年普安彝婦米魯叛執太監楊友右布政使

閻鉦死之○置鎮遠縣

十六年夏五月南戶部尚書兼副都御史王軾督

兵討米魯平之軾人公

十七年巡撫劉洪奏賜苗漢姓不許

正德元年冬十二月謫武選主事王守仁為龍場

驛丞守仁餘姚人以論逆瑾廷杖謫

二年裁巡撫

三年金石蠻石承寵卧龍蠻王阿倫叛

五年定雲貴解額共五十五人貴州雲南三十一人

○復設巡撫

六年夏六月江津賊方四等寇思石貴州兵敗之

八年巡撫陳天祥討王倫等平之

十一年巡撫曹祥討香爐山苗不克

十二年秋八月湖貴巡撫都御史秦金鄒文盛合

兵討清平香爐山苗平之

十四年芒彝叛寇永寧

嘉靖二年設畢節兵巡道

四年參將何卿征芒部平之○何卿為四川副總

兵

六年芒彝復叛

八年副總兵何卿征芒彝平之

九年真州賊周天星等寇婺川縣境

十年巡撫劉士元討真州賊平之

十一年進士趙維垣改庶吉士

十三年遷清平中左所於香爐山

十四年秋七月定貴州解額開科本省

解額二  
十人從  
巡

按王  
杏請

十六年都勻苗阿何據凱口叛

十九年金石司蠻石顯高叛官軍討平之○起故

右都御史萬鏜勘處湖貴苗亂

二十一年銅鎮苗叛隘石阡府執推官鄧本中○

萬鏜撫苗竣班師

二十二年冬十一月奪御史魏洪冕官削籍布政

使侯緘以下降謫有差以試錄訛舛也

二十五年增貴州解額五名共三十名從撫臣王學益請也

二十六年進士孫裒改庶吉士○夏逮巡撫王學

益下詔獄釋之

二十七年秋九月張岳為右都御史總督湖川貴

兵討銅鎮苗岳惠安縣人○苗賊龍許保隘印江縣

○羅番龍受祖叛官軍討平之

二十八年冬十月詔免秋糧蝗以旱故

二十九年銅仁苗隘思州府知府李允簡死之○

鎮算苗隘石阡府○副巡撫李義壯籍印以苗思隘

石阡州也

三十年置銅仁撫苗通判尋裁

三十一年金筑賊阿季叛官軍討平之○設湖川

貴總督駐沅州節制三省從御史宿應麟請也



三十二年進士孫應鰲改庶吉士○總督張岳進  
討湖貴苗平之○屠大山為湖川貴總督

三十三年馮岳為湖川貴總督

三十四年貴州通志成謝東山修

三十六年王崇為湖川貴總督

三十七年春三月刑部主事張翀謫戍都勻大論

士嚴嵩故

三十八年石永為湖川貴總督

三十九年黃光昇為湖川貴總督光昇晉江人

四十年董威為湖川貴總督

四十一年羅崇奎為湖川貴總督崇奎南昌人

四十二年裁湖川貴總督○始加貴州巡撫提督

軍務兼制湖北川東地方○吳維嶽為右副都

御史巡撫貴州維嶽孝豐縣人

隆慶元年春正月召張翀於都勻

二年遷程番府治於會省改名貴陽益以貴竹平

伐二司從巡撫杜拯也○遷思州府治於平溪

衛從中議張

萬曆元年秋八月孫應鳌為僉都御史撫治鄖陽

五年冬十月刑部進士鄒元標謫成都元標吉水人論

大學士張居正  
不終喪故謫

七年夏六月孫應鳌以原官掌國子監祭酒事

八年裁督糧參議歸併右參政

十一年秋八月召鄒元標為吏科給事中○進士

沈權改庶吉士

十三年者牙苗叛巡撫舒應龍討平之立為宣威營

十四年置定番州於故程番府屬貴陽府領長官

按舒應龍毛在請也

十九年置新貴縣屬貴陽府附郭從撫按葉夢熊毛在請也

二十年春正月罷刑科右給事中陳尚象為民象尚

貴州通志 大事 卷之第五 三

建都言故人罷以  
○進士馬文卿改庶吉士

二十二年邢玠為兵部左侍郎兼右副都御史總

督川貴勘剿播賊楊應龍○貸楊應龍○邢玠

還京玠益人○遼東參議馮時泰謫戍都勻尋卒

以邊事

二十四年秋八月遷貴陽府學於北城外

二十五年置惠藥局田○置右文備賑澤幽田巡撫

江東之巡按○置遞馬穀巡撫江東之置○脩通志

二十六年進士丘禾實改庶吉士○置恤隱局○

置恤軍田巡撫江東之巡○置銅仁縣隸銅仁府附郭

從巡撫江東之巡  
按應朝卿請也

二十七年春三月癸未郭子章為右副都御史巡

撫貴州

和江西秦

○乙未巡按御史宋興祖至貴

州

江四川中

○壬寅播賊楊應龍寇平越飛練殺

都司楊國柱等○夏四月設川湖貴總督○李

化龍為兵部右侍郎兼右僉都御史總督川湖

貴巡撫四川

垣直隸長

○閏四月丙戌貴州總兵

沈尚文免○己丑童元鎮為貴州總兵官

廣西人

○五月戊辰總督李化龍至四川○己巳巡撫

郭子章至沅州○乙亥都給事中張輔之等追

論播事詔四川巡撫譚希恩貴州巡撫江東之

俱罷職不叙○秋八月己卯詔暴播賊楊應龍

罪頒賞格從兵部請也○辛丑陳璘為湖廣總兵官

鎮偏橋○甲辰設興隆參將○九月壬子設畢

節參將尋罷○乙丑賜劍總督李化龍令便宜

從事○冬十月貸安疆臣令討播自劾○十一

月壬戌播賊寇東坡○庚午詔逮沈尚文降童

元鎮充為事官以李應祥為貴州總兵官湖應祥

衛人○十二月甲申降工部主事黃龍光為布

政司經歷以六科廊失火也○壬辰詔以湖廣漕糧濟

川貴軍興

從科臣李應策請也

二十八年春正月庚戌播賊寇龍泉司守備楊惟

中道士長官安民志死之○丙寅詔貴州孤懸

令各省直助餉○壬申設偏沅巡撫○癸酉江

鐸為右僉都御史駐鎮偏沅

鐸浙江仁和人

○二月戊

寅五靖參將黃冲霄督兵剿皮林苗我師敗績

苗殺守備陳世忠等○癸未播賊襲河渡執宣

慰宋承恩去

承恩應龍壩也

○丙戌總督李化龍貴州

巡撫郭子章湖廣巡撫支可大誓師合兵討播

○丙申降刑部郎中夏勲為貴陽府通判為問

失火罪璫  
以病故也

○三月乙巳平越兵克四牌○平越

兵克高固○壬子貴陽兵克烏江關○甲寅貴

陽兵克河渡關○乙卯平越兵克青岡固○戊

午播賊突犯烏江河渡參將楊顯守備陳雲龍

阮士奇白明達指揮楊續芝等死之○偏橋兵

克板角關○己未水西兵至楊亡水克大紅洛

蒙水等七關○平越兵渡構皮灘河○丁卯都

給事中李應策追論播事詔原任四川巡撫艾

穆貴州巡撫林喬相俱革職○壬申水西兵與

賊戰於大水田破之○夏四月丙子偏沅巡撫



江鐸至沅州○丁丑謫刑部主事曹文緯為布

政司照磨請為主事謝廷讚也○乙酉平越兵克黃

灘關○丙戌水西鎮雄兵克桃溪焚其衙署家

廟○辛卯工部員外郎黃士吉行人王孟震為

貴州考試官○水西鎮雄兵入播州○五月丁

未逮童元鎮○留御史宋興祖再按貴州為播事留

從巡撫也○六月丁丑滅播州楊應龍自經死

俘其妻子及賊黨○戊戌總督李化龍以父憂

乞終喪不許詔留之○九月辛丑朔新添丘禾

實為翰林院檢討貴州翰林自禾實始庚午詔偏沅巡撫

江鐸墨纒討皮林苗川湖貴廣西督撫督兵協

擊○冬十月戊子貴州巡按御史宋興祖請停

刑不報○十二月庚辰督撫李化龍郭子章江

鐸倖楊朝棟等獻於闕下丙寅上御樓受之羣

臣稱賀○磔楊朝棟等於西市釋宋承恩○己

巳詔補故南京工部尚書孫應鰲諡應鰲清平人從撫按

郭子章宋興祖及御史李時華請也

二十九年春正月壬子頒平播詔於天下○甲子

巡撫郭子章如鎮遠會楚師粵師協剿皮林○

三月滅皮林苗班師○大理寺寺正江盈科恤

刑雲貴盈科桃○戊子設播州總兵官改李應

祥為四川總兵官駐播州○川湖貴總督右都

御史李化龍以憂去○己亥詔分播地以播州

為遵義府隸四川革五司以其地為平越軍民

府隸貴州設黃平州湄潭甕安餘慶三縣隸平

越府龍泉縣隸石阡府○加貴州巡撫兼制湖

南及川南四土府地方改鎮遠偏橋平溪清浪

四衛隸貴州黎平府永從縣隸湖廣○加貴陽

為軍民府設鎮遠府推官○癸卯王象乾為兵

部右侍郎兼右僉都御史總督川湖貴巡撫四

川象乾新城人山東 ○壬寅貸故總兵官童元鎮謫戍

○詔賑貴州萬金 ○戊午謫禮科給事中楊天

民王士昌為永從鎮遠縣典史太為請也 ○六月

戊辰御史畢三才巡按貴州御史宋興祖改差

雲南 ○壬申開偏橋河 ○謫吏科給事中許子

偉為銅仁府經歷為論寺臣張棟 ○謫吏刑二

科給事中郭如星陳維春為印江銅仁縣典史

為論楚瑞 ○設印江縣學從撫按郭子章宋興

三十年秋八月都督同知陳璘為總兵官 ○九月

改安順州為軍民府從御史宋興祖請也 ○十二月播故

民吳洪等叛安疆臣斬之并俘其黨以獻

三十一年春二月永寧土司奢世續奢崇寧爭立

燒普市○夏五月復以平清偏鎮四衛隸湖廣

黎平府隸貴州○秋八月兵部主事朱化孚行

入張國儒為貴州考試官○庚戌改善定平越

二衛學為安順平越二府學設黃平州新貴縣

二學

從撫按郭子章宋興祖畢  
三才御史李時華請也

三十二年春正月丁丑禮部請宣平播捷告郊廟

○永寧土司奢世續奢崇明平○夏六月開黃

平河○冬十月辛酉御史金忠士巡按貴州○

叙平播功總督李化龍為兵部尚書加少保廢

一子錦衣衛指揮使世襲巡撫郭子章為右都

御史兼兵部右侍郎仍巡撫廢一子錦衣衛指

揮僉事世襲贈故監軍按察使楊寅秋太僕寺

卿廢一子入監總兵官陳璘為左都督廢一子

本衛指揮使世襲贈故總兵官李應祥左都督

子世襲本衛正千戶其餘文武將吏陞賚有差

三十三年春正月辛巳總督兵部左侍郎王象乾

以憂去○二月己巳頒駐鎮興隆新添清平永

寧赤水畢節烏撒龍里各關防從撫按請也子章

三 秋九月癸酉詔裁興隆參將以都清守備駐

楊老清鎮守備駐偏橋 戊戌改水德長官司

為安化縣隸子思南府附郭從撫按 冬十月癸

卯詔裁川湖貴總督 乙卯詔征路苗 監軍

布政使趙健紀功按察使尤錫類督兵都司高

垣討西路苗克之 總兵左都督陳璘監軍參

政洪澄源討水銀山苗克之 冬十二月丙午

叙平播功以按察使尤錫類為右布政使參政

洪澄源為按察使 叙平播功名陳尚象復為

給事中尚象都

三十四年春正月丙戌總兵左都督陳璘監軍布

政使趙健參政洪澄源何偉王貽德討東路苗

克之○二月庚子刑部郎中陳乾亨恤刑雲貴

州乾亨合○秋七月丙子御史馮奕垣巡按貴州

奕垣廣東南海人○八月評事周延光行人張孔教為

貴州考試官延光湖廣蘄水人孔教山東掖縣人

三十五年春二月己亥設新添參將裁都清守備

○三月丙寅四川追永寧司印擒奢世續餘黨

燒普市摩尼○辛巳進士潘潤民改庶吉士

三十七年紅苗陷印江縣典史邵士元死之○巡



撫都御史郭子章請終養允之○胡桂芳為副  
都御史巡撫貴州○秋八月許事丘雲肇行人  
陳伯友為考試官

三十八年丘禾實為左春坊左庶子新添

三十九年置廣順州

四十年秋八月主事王家相行人彭際遇為考試  
官○巡撫胡桂芳解任

四十二年張鶴鳴為副都御史巡撫貴州

四十三年加貴州解額二名○八月主事趙明欽  
行人鍾惺為考試官

四十四年定番州仲苗作亂巡撫張鶴鳴親督兵入其巢圍之于猱平壘克之諸賊悉平

四十六年巡撫張鶴鳴陞兵部侍郎總督三邊○李標為僉都御史巡撫貴州○員外方尚恂行人陳元藻為考試官

四十七年清平興隆平越諸衛苗賊出劫官道巡撫李標發兵剿之

天啓元年巡撫李標請告回籍仍命料理候代○秋八月蘭州蠻長奢崇明奢寅叛陷四川重慶府圍成都貴州戒嚴○主事項夢原行人張樞

芳為考試官○王三善為右僉都御史巡撫貴

州○冬十月宣慰土同知安邦彥請剿蘭自効

因先與蘭州蠻長構讐讎殺故  
撫按許之實借此以治兵謀逆

二年二月水西叛圍貴陽○四月巡撫王三善至

平越時貴陽已被圍三  
善因聚兵來援○張我續為兵部侍郎

總督湖貴督援黔兵○十二月圍解以守城功

加巡撫李標兵部右侍郎巡按史永安太常寺

少卿以解圍功加王三善兵部右侍郎

三年春總督張我續解任○楊述中自鄖撫遷兵

部右侍郎總督川湖雲貴駐貴州○春二月進

師六廣偏裨以下姚旰等二十七人死之○冬十一月巡撫王三善率總兵馬炯等進剿水西由遵義直抵大方連戰皆捷

四年春正月以糧盡旋師次內莊為賊所截巡撫

王三善身自督戰師潰死之同時遇害者總兵馬炯參政岳具仰

進士田景猷鄉官李毓陽陸德龍李○總督楊

述中解任以巡撫王三善戰歿臺省劾其不援

○蔡復一為兵部右侍郎總督省貴州巡撫事以

權不一○御史傅宗龍上疏自請討賊上命以

巡按監軍宗龍昆○總督蔡復一以進兵敗劾

劾罷○秋八月巡按傅宗龍為考試官時黥方

遣京朝官以  
巡按

五年春三月巡按傅宗龍擒逆賊陳其愚誅之愚其

同安邦彥等首猖亂謀人致三善陷歿至是誅之心共快以○夏六月

平越苗賊阿秧等聚眾出劫總兵魯欽守道朱

鴻圖討平之○秋七月進師鴨池河敗績總兵

魯欽死之○朱燮元為兵部右侍郎總督駐四

川旋以憂去○閔夢得為兵部侍郎總督駐沅

州○王璠為右僉都御史巡撫貴州○巡按傅

宗龍以憂去○熊文燦為右副都御史巡撫福

建永寧人○王祚遠為國子監祭酒普安人○建貴

陽外城

六年春三月進師至楊家海敗績○侍郎熊明遇

巡撫鄧漢太常寺卿黃龍光巡撫徐良彥謫平

清偏鎮四衛以璫故魏○張鶴鳴為兵部尚書總

督貴川湖雲廣西軍務自南工部尚書改任○

建鐘鼓樓舊樓兵燬至是改建于大十字街

七年田仰為右副都御史巡撫四川○八月主事

李日儼行人李昌齡為考試官

崇禎元年總督張鶴鳴致仕以臺省罷○朱燮元復

起兵部尚書仍賜劍○王尊德為刑部右侍郎

尋改兵部右侍郎總督兩廣○秋八月安邦彥

寇永寧四川總兵侯良柱貴州總兵許成名監

軍道劉可訓鄭朝棟率兵大敗之德新安邦彥慕

王之龍等諸賊首一時俱盡捷聞賞銀三萬兩

二年建上衛連雲等十一城參政朱家民題請賜名連雲有嘉靖氛奏

膚恬波平黔清豐舞○參政朱家民捐募修建

干順化懷仁馴象○九月貴州四川雲南合兵進

盤江鐵索橋成○討水西餘黨

三年丘禾嘉為右僉都御史巡撫遼東新添兵部主人事

擢○三月安賊遣漢把左之賓等乞撫疏聞許之○八月主事胡鍾麟行人盧經為考試官是科以恩詔增解額一名

四年設開州○設敷勇鎮西二衛修文息烽赫聲濯靈于襄威武定南柔遠詰戎等九所

五年設敷勇衛學

六年刑部郎中岳鍾秀恤刑雲貴○兵部侍郎劉宇烈謫戍貴州○八月主事張世雍行人王倓為考試官

八年水西頭目臥這化沙爭襲相構各獻土地請



設流總督朱燮元議設二十州分治其地各置副將鎮守

九年八月主事熊經行人韓啓泰為考試官是科為數

勇衛增解額一名另編字號 ○十一月巡按胡平運請以平

清偏鎮四衛隸貴州以黎平府改隸湖廣不允

十年春三月化沙杓佐等復叛圖大方城副將方

國安誘斬之潰圍出四月發兵進討尋撫定之

仍其舊不設州

十一年三月總督朱燮元卒 ○李若星為兵部右

侍郎總督 ○提學龍文光修貴州通志

十二年八月主事劉文翰行人陳際泰為考試官

十三年刑部員外譙若此恤刑雲貴

十四年建鼎耳臺總督李若星以西城外高阜易于受敵故也

十五年下衛苗仲復聚眾出劫官道屢發兵禦之

不能制○苗賊攻圍清平衛及黃平州參將宋

民倚擊定之○馬士英為兵部右侍郎總督鳳

陽○八月主事傅天錫行人吳允謙為考試官

增解額二名

十六年以宣慰司舊學基修新貴縣學○何騰蛟

為右僉都御史巡撫湖廣黎平○夏四月開州

仲賊叛臨州城知州黃嘉雋死之○白蓮妖賊  
黃邦民聚衆反圍涓潭知縣吳邦寧率民兵擊  
敗斬之○六月詔總督李若星統黔兵赴楚會  
剿流寇○八月李若星次偏橋○命職方司員  
外徐燁監黔軍刻期進發○冬十月李若星遣  
副將楊得勝譚得勝率兵二千次辰州

十七年春三月流寇陷北京李若星聞變率師歸  
丁亥年正月流寇偽平東將軍孫可望等臨導義  
入貴陽官民避去據貴陽城遣賊四路搜捕箐  
砮殺掠無算○二月流寇攻定番州城屠之按

察使張耀參議曾益都司陳瑞徵同士民死守

盡遇害○三月

皇清兵至遵義孫可望等聞風遁入滇屠貴陽城○

復攻臨安莊安南普定等城並屠之安莊鄉官參議伍右

文率眾拒守○四月苗賊藍二糾眾反攻臨甕

安黃平城復圍平越府總兵張才擊走之旋就

擒戮於市

戊子年七月偽爵王祥與皮熊構讐治兵相攻圍

貴陽城○八月武邦賢楊光謙等率兵敗之圍

解○十月皮熊遣兵攻王祥次烏江為祥所敗

全軍覆沒○十二月皮熊及王祥平

己丑年八月孫可望遣白文選取安順府遂入貴

陽

詞以通好為  
旋撤去

庚寅年四月白文選襲貴陽入之○李定國至自

滇與皮熊范鏞等盟而去○八月偽秦王孫可

可望至貴陽

丁酉年八月孫可望率兵向滇與李定國戰於交

水大敗還○十月劉文秀率兵追可望至貴陽

○孫可望出走詣長沙降



皇清順治十五年春二月

命宗室寧南靖寇大將軍固山額真羅託經畧武英

殿大學士兵部尚書洪承疇率師取貴州○三

月至沅州賊遁○四月入貴陽○八月李定國

遁兵寇城下却之又遣兵襲青巖城擊走之○

九月安遠靖寇大將軍信郡王鐸尼率師至黔

○巡撫趙廷臣至於時信郡王次偏橋即○十月

會師取雲南三路並進○十一月信郡王發貴

陽○請設經制官兵及各省協濟黔餉○請頒

貴州賦役全書因舊籍盡失以○十二月議設

操軍防護道路疏通商賈○請安置投誠兵丁

願入伍者准給兵糧願回籍者  
每名日給口糧一升遞送原籍

十六年正月請蠲荒殘秋糧並設官役俸食○設

各站驛馬

經畧閣部洪承疇會  
二十每站馬五十匹暫借兵餉買備

題請設驛站

其草料及馬夫食  
米於屯糧內支給

○三月修省城城垣倉廩營

房衙署橋梁

請動稅  
課充費

○宗室寧南靖寇大將軍

固山額真羅託班師旋

京○閏三月偽總兵

馮天裕等聚眾攻陷涓潭劫掠平越思南等處

總兵官胡茂禎李本深等會川兵剿平之○題

襲定番州十二土司世職請頒印信○設雲貴



總督以巡撫趙廷臣為兵部右侍郎兼都察院

右副都御史任○以山西按察使卞三元為右

副都御史巡撫貴州○四月為將軍楊光謙降

安置貴陽○題襲貴陽屬中曹養龍二土司定

番屬麻嚮大華木瓜正副四土司世職○

詔發餉銀二萬兩借給苗民牛種從經畧輔臣之請也○五月

請令土官應襲入學習禮由學起送承襲其族屬子弟願入學者聽

補廩科貢與漢民一體○題襲貴陽思州都勻平越石阡

黎平府屬各正副土司五十八員世職○施秉

縣苗亂殺知縣趙玉奇○六月請以貴陽用砂

貢州通志 卷之第五  
三  
壩水銀變價充餉○

詔發內帑銀六萬兩賑濟貴州○八月題襲安順銅

仁平越思南鎮遠五府屬各正副土司三十九

員世職○請開徵○

賜水西宣慰使安坤袍帽靴鞵彩幣二十疋並頒印

信○九月征南將軍  自雲南班師還

京駐貴陽○十一月修貢院以偽王宮改○巡撫卞

三元至○十二月請定中式舉人名數照新例減半定

為二十名○請動支正項錢糧製造火藥○請定科

場經費部覆每科二千兩

十七年正月安遠靖寇大將軍信郡王班師還

京發十二日貴陽○巡撫卞三元請動楚運米三千石

賑給饑民○請設貴陽城守官兵議設參將一員兵一千名

○二月總督趙廷臣請除科甲推官○三月總

督趙廷臣請通省官莊租穀照舊例備賑○四

月請平溪清浪鎮遠偏橋四衛照舊例赴黔應

試○五月請借楚省分考官並供事吏員○請

復畢節永寧鴨池烏撒四稅為驛遞供億之費

○通黃平水運貴州水路止抵鎮遠時以運米艱難乃自諸葛洞開鑿起直抵

黃平共修通河道二百三十里鑿過險難五十處巡撫卞三元倡議委新鎮道徐弘業副將

王可成就督工於四  
月告成後旋廢  
○六月總督趙廷臣疏請楚

運耗米每石三升  
○偽寧國侯王友進降  
○修

貴陽城樓垣堞及霽虹橋成  
計費二千餘金  
○疏定貴

州經制官兵  
共二百萬九千五百名  
○請修盤江鐵索橋  
○

黎平曹滴司土官楊華如招納亡命陳洪金等

謀亂黎靖兵討平之  
○八月主考官評事黃敬

璣中書舍人陳祚昌至  
○九月提督李本深至

省城  
○擒獲叛逆呂弘熾等  
弘熾順天人自海  
鄭成功處轉入

黔省竄伏水西隴革地方招結權時泰賀鼎等  
自緝興國公謀取貴陽為水西宣慰安坤覺察

密報成擒  
弘熾監斃  
○十一月征馬乃  
祥龍吉佐負固弄

兵遙為李定國聲援  
趙廷臣督兵三路討殺之  
○分駐大兵至  
省城

十八年正月今

上登極○報新墾荒田

安順等府赤水等衛所新墾  
民屯田地九萬三千九百三

十五畝應增秋糧屯米共四千三百四十六石  
零應徵條馬歲用銀共五千三百四十四兩零

黃豆六十  
六石零○二月馬乃平龍吉兆等伏誅即其

地設普安縣治之○總督趙廷臣請修軍器○

請寬奏銷限期○三月分駐貴州大兵燾章京

杜爾德等班師還京○四月定西將軍愛星

阿大兵至省城

於貴陽安順分  
馬匹十日赴滇

○五月請減

協黔楚米一萬石徵解折色○請調補缺額官

兵○六月都統道喇等大兵班師還京一二日

陽發貴○逆犯賀鼎等越獄旋獲逃惟李健王四脫皆呂弘愚黨

○七月請修貴陽營房○閏七月請徵各場雜

稅○

詔征練餉每畝一分○修文廟○九月逆賊劉鼎叛圍定

番州李本深率師擊走之○叙平馬乃功加趙

廷臣兵部尚書卞三元兵部左侍郎俱照舊管

事餘功議叙有差○十一月裁詰戎樂民平糞

安南查城站白撒周泥站七所從廷總督趙○題

襲平頭著可等十六土司世職○分設雲南貴

州總督○趙廷臣調浙江總督○卞三元陞雲

南總督○以甘肅巡撫佟延年為貴州總督未

任卒○十二月題報練餉全完布政司經征六千一百七十六

兩零都司經征二千七百五十九兩零○是年停巡撫提督軍務

裁撫標兵

康熙元年二月報續墾荒田順治十八年分貴陽等府貴前等衛所新

墾民屯科田五萬一千一百九十九畝零應徵秋糧屯米豆共三千八百七十九石九斗零條

馬歲用等銀共二千二百八十八兩零○

詔停征練餉○三月文廟工成○四月順天府尹羅

會錦陞右副都御史巡撫貴州至貴陽○六月

請貴州驛站以夫代馬

因路險差繁驛馬多斃每馬代夫四名差急者

營酌馬借○請增站夫○七月安南將軍都統卓羅

班師還

京○疏陳苗患請收民心寬考成蘇

驛因設土學○八月黎平歸弓寨苗亂李本深

討平之○九月以湖廣巡撫楊茂勳為兵部左

侍郎兼右副都御史總督貴州至貴陽○定西

將軍愛星阿班師還 京○十二月

詔吳三桂總管貴州事務

二年正月丹平土官莫之廉伏誅

以隱匿

○金筑



土官王應兆謀逆總督楊茂勲遣兵討平之受以

偽劉鼎劉鼎○二月裁思仁巡道分巡驛鹽道○四月

設巡撫護衛馬兵五十名○七月請開普安濫

木橋水銀廠○劉鼎伏誅鼎潰逃藏避水西至是被獲○八

月主考官評事符涓英中書舍人易道沛至是

科以恩詔加五名○九月題報水災被災五分

者貴州前衛六分以上者新添都勻二衛七分

以上者龍里畢節二衛八分以上者都勻府九

分衛普市所○十月永寧知州王聘賓棄官逃

○改貴陽城守參將為副將○十一月總督楊

茂勲請楚省協黔糧米一萬石改折起解○十

二月廣西彝阿仲反僭稱永龍元年盤距廣西隴納山出犯普坪安籠等處安順總兵官張鵬程討平之

三年正月常金印等謀逆被擒金印上元人自稱開平之後自粵走

黔與水西安坤皮熊等同謀金印稱蕩魯大將軍湘平伯偽造印勅旗纛勾聚陳鳳麟高岑吉士英米應貴熊國賢戴勝李萬紫陳國才等連結諸土府潛謀分路起兵為同謀人陳大出首  
陸續擒獲伏誅 ○ 二月水西宣慰安坤叛

上命吳三桂發兵討之 ○ 三月敗水西賊於六廣河

○ 裁各學訓導每府衛各設教授一員州縣大學設學正教諭一員中小學設訓導一員 ○ 五

月題報續墾荒田康熙二年分各府衛州縣新墾民屯田地共一萬四千二

百六十九畝零各照例起徵銀米 ○六月請蠲新添衛沙壅田

一千六百八十七畝田糧 ○十一月重修盤江橋成

四年正月水西平安坤等俱伏誅 ○執皮熊熊不

食死 ○安重聖伏誅重聖附安坤 ○四月題

免水西秋糧二千石以水西勤絕 ○十一月吳

三桂請設新疆四府以水西為黔西府比喇為

平遠府大方為大定府烏撒為威寧府烏撒衛

仍舊 ○設黔西大定威寧鎮總兵官平遠營副

將 ○改定廣營為副將 ○裁貴州總督雲貴總

督仍駐貴陽○十二月請寬清丈限期俟地方

丁舉生聚之○郎岱土司隴安藩反吳三桂發師

討之藩乃安坤親黨水西滅後招妻隴氏作逆

殺安順府經歷袁績攻破關嶺直犯永寧隴勝

五年三月請開武闡○進呈黔省賦役全書○五

月平遠兵變尋撫定之○裁同知推官衛經歷

吏目等官共三十二員衛千總六員○題報康

熙四年分各府州縣衛新墾荒田四千四十○

六月郎岱平隴安藩等伏誅○七月再請寬免

清丈○定苗民讐殺例除侵犯者仍按律治罪

外其苗類自相讐殺者許令土官親問量行賠償從總督楊茂勲之請也○八月主

考官主事主師夔戶部主事張萃至○十二月

黎平苗亂討平之湖廣通判王號煽惑府屬黑峒口等處

各苗造亂○烏撒隴氏伏誅

六年三月題免烏撒報効苡米○初行大計以疏請

巡二道代藩臬二司各府經歷代知府入覲○閏四月題報康熙五

年分各府州縣衛新墾荒田三千八百六畝零應徵本折秋糧黃

豆五百三十八石零折色等銀四十九兩零○吳三桂疏辭總管雲

貴地方事務從之○八月題免郎岱康熙五年

分應徵錢糧○裁鎮遠鎮總兵官○九月

上親政詔至○裁守巡各道留提學督糧道二員○裁推官○

十月改貴陽府畢烏通判為南籠通判駐安南

○十二月續報思州府甕安縣康熙五年分新

墾荒田

一萬五千二百五十八畝零應徵秋糧二百六十七石七斗零條馬等銀一千

三百五十一兩零○巡撫羅繪錦解任

七年四月題報康熙六年分各府州縣衛所新墾

荒田

三千四百七十二畝零應徵秋糧四百八十三石四斗零折色條馬等銀一百八十八

九兩○五月請裁清平縣歸併麻哈州○六月

停造黃冊○巡撫右副都御史佟鳳彩至○十

月題旌龍泉縣已故生員歐陽瑩東妻冉氏貞

節

八年正月黎平田心等寨苗亂鎮遠副將石玉貴

等合兵討平之○請罷鼓鑄先是戶部議開各

艱費多且民從不用錢鼓鑄無益前撫羅繪○  
錦兩疏請停部議不允是年再疏陳之得免

二月裁平遠鎮總兵官改設副將貴陽城守副

將改遊擊○五月請裁曹滴洞長官司吏目○

請定武闡經費每科六百兩先是丙午科經費

俱文武各官捐助竣事至是議  
正賦文闡例支於○總督卞三元以終養歸○以直

隸巡撫甘文焜為兵部右侍郎兼右副都御史

總督貴州至貴陽○八月主考官吏部郎中李

崇稷戶部員外郎顧耿臣至是科以恩詔加

三名○九月疏請歸黔十八寨地方改歸南籠

通判管理○十月請定土司責成凡苗蠻劫殺事犯者該管

土司每起罰銀二十兩五起以上罷職另選襲替○十月定番苗阿戎

等亂尋討平之

九年正月總督甘文焜請開捐納事例修理城垣

不允○閏二月疏陳加派之源請免經厯朝觀

須知文冊增給鋪兵工食每名日給銀二分定考試生童經費於正項動支○請清

查通省田畝以賦役全書由單開○五月題報載與實徵數目不符

康熙八年分各府州縣衛所新墾荒田一萬七百七十



一畝零應徵糧米五百一十二石零條馬等銀六百九兩零 ○六月鎮遠府

屬那磨等三十六寨逆苗降 ○題免獨山州誤

報田糧 ○九月總督甘文焜請禁協夫 ○請查

東川土府協黔錢糧 ○請添設重安楊老黃絲

盤江江西坡軟橋六腰站 ○十一月巡撫佟鳳

### 彩請終養

十年正月扯處烏癸目俄凹阿蠟等降 ○五月題

報康熙九年分各府州縣衛所新墾荒田六二萬

七百二十二畝零應徵糧米二千八百石零條銀卅色銀一千二百兩零 ○七月佟

鳳彩以丁憂歸 ○以吏部右侍郎曹申吉改工

部右侍郎兼右副都御史巡撫貴州至貴陽○  
總督甘文焜丁憂准在任守制○九月題留布  
政使潘超先在任守制○十月請復黔大平威  
守道○請裁龍里平越都勻普定清平五衛改  
設縣治裁安莊衛黃平新城二所歸併鎮寧黃  
平二州普安縣管理改貴陽府南籠通判仍駐  
安籠

十一年正月凱里苗亂尋撫定之○四月清文事  
竣○五月巡撫曹申吉疏免各山場雜稅二十  
七處○請定各府州縣存留經費○八月總督

甘文焜以假回 京○主考工部員外郎吳元龍戶部主事楊西狩至是科復取副榜四名准入監○十一月疏請以貴陽等七府親徵錢糧歸併附郭新貴等七縣徵收

十二年二月廣順州苗變殺吏目蔣士璘○都勻

苗亂殺天壩司長官天應祿○九月總督甘文

焜至自京○十月修貴州通志成○十二月

吳三桂反○李本深叛殺欽差大人應之○總

督甘文焜至鎮遠調兵拒逆死之時提督李本深應逆兵譁

甘文焜聞變縊其妾盛氏等携幼子馳至鎮遠為調兵拒逆計叛將江義阻阨文焜視其子及

筆帖式何善等皆自經遂北面自刎○二十八日吳三桂陷貴陽

十七年戊午七月吳三桂死於衡州

十九年庚申十一月大師復貴州因先是郭壯圖等

孫世璠屯貴州以拒我師及定遠平寇大將軍固山貝子章泰統征南將軍穆占鑲藍旗參贊

都統喇賽正白旗噶喇昂邦薩克查巴圖魯正藍旗都統釋加保正黃旗先鋒統領陝納海鑲

白旗副都統花色正藍旗副都統公圖正白旗副旗副都統統花色正藍旗副都統公圖正白旗副

都統宜思孝正藍旗副都統官保鑲黃旗內閣學士兼禮部侍郎薩海署副都統盧崇峻綏遠

將軍湖廣總督蔡毓榮江西南總督董衛國建義將軍林興珠貴州提督趙賴山西提督周卜世

等滿漢官兵由湖廣克辰龍關楓木嶺取鎮遠清平破偽將軍韓天福于平越十一月世璠遁

回雲○以都察院左副都御史楊雍建巡撫貴南

州至貴陽

二十年辛酉正月大師克盤江線吳世璠遣偽將軍

扼險以待章泰大敗之賊分兵據黃草壩征南

大將軍賴塔統正藍旗參贊都統勒貝正紅旗

參贊都統希福鑲白旗參贊都統領馬齊鑲紅旗

參贊都統趙連鑲藍旗護軍統領額黑里鑲紅旗

旗副都統洪寶錄鑲白旗副都統祖植椿兩廣

總督金光祖福州將軍馬九玉滿漢兵由泗城

州奪石門坎援安籠○二月巡撫楊雍建以大

師進取雲南請暫停貴州鄉試○管理貴州都

統莫大駐劄貴陽○以勇畧將軍趙良棟為兵

部尚書兼右副都御史總督雲貴

一十一年壬戌二月巡撫楊雍建題請補行辛酉

卿試

允之○頒

徽號恩詔

款內文武舉人進士牌坊旗扁

舉貢盤費花紅錢糧着照舊支給

○三月定遠平寇大將軍固

山貝子章泰征南大將軍賴塔參贊都統穆占

參贊都統希福參贊都統莽吉祿參贊都統喇

塞副都統孫他哈都統噶喇哈參贊圖章京色

喀副都統劉顯忠先後凱旋

養馬貴陽安順等處

○

四月勇畧將軍趙良棟還

京○以綏遠將軍

湖廣總督兵部尚書都察院右副都御史蔡毓

榮總督雲貴駐劄雲南

詔移逆屬家口及偽將軍總兵副將等進京參遊

以下俱發河南江西山東湖廣四省安置起民間

運送自二十一年起至二十七年止○八月主考官編修沈旭初

主事陸鍾呂至○翰林院侍講思格則頌

御書清慎勤三字於貴州巡撫○巡撫楊雍建題請

以貴陽等七府歸縣錢糧仍歸各府徵收

二十二年癸亥二月巡撫楊雍建題改黔西平遠

二府為州○四月

諭免黔省本年秋季及來年春季夏應徵地丁正項錢

糧○九月巡撫楊雍建題割湖廣鎮遠偏橋二

衛歸黔

二十三年八月考試官編修黃興堅郎中毛漪秀

至是科以

恩詔加三名○十一月巡撫楊雍建陞兵部左侍郎

還京

二十四年以湖北巡撫右副都御史慕天顏巡撫

貴州○七月黎平偽弁何新瑞糾眾反黎平官

兵擊敗之

新瑞乃明七省總督何騰蛟子挾其父定興侯偽印與土司韋有能等散

偽劄糾苗叛永

從既敗遁入洒洞○十月癸丑王騰龍王成龍

謀叛擒獲論斬之○十一月巡撫慕天顏題請

預撥協餉以恤邊兵 允之○十二月頒墨搨



御書萬世師表扁額於學宮

二十五年丙寅二月何新瑞敗降論斬之徙土司  
韋有能等以其地入永從○總督蔡毓榮以倉  
場總督去○以廣西巡撫右副都御史范承勳  
為兵部右侍郎兼右副都御史總督雲貴○十  
月

諭免二十六年應徵地丁錢糧並二十五年未完錢  
糧○巡撫慕天顏題復普安等處仍照舊例食  
川鹽部議 允之

二十六年丁卯四月雲貴總督范承勳疏 題以

貴州各衛所歸併各州縣改設貴筑修文清鎮  
安平安南永寧畢節等縣○改大定府為大定  
州○疏題以貴西道駐劄大定糧驛道兼攝貴  
東道○五月巡撫慕天顏遷漕運總督○以吏  
部右侍郎馬世濟為兵部右侍郎兼右副都御  
史巡撫貴州○八月主考官檢討金德嘉員外  
趙作舟至

二十七年戊辰巡撫馬世濟遷漕運總督去○以

江蘇巡撫右僉都御史田雯巡撫貴州○十月  
巡撫田雯疏題設貴筑縣學並以湖廣平溪

清浪二衛生童仍在黔應試 允之

二十八年己巳設甕安縣學巡從總督范承勳也○十

二月差兵部郎中温保同雲貴總督范承勳雲

南巡撫王繼文貴州巡撫田雯會勘四川叛彝

阿所於南寧縣阿所乃建昌會理州目把弒其

守備常珍兵敗潛逃東川奉旨差官會同

二十九庚午八月主考官日講官左諭德兼翰

林院修撰徐嘉炎內閣典籍李有倫至

三十年辛未三月河南道御史王承祜疏 題貴

州會試分卷事例奉

員川通志 大事 卷之第五 六五

旨准與廣西以中右分卷○七月巡撫田雯以憂去

○十一月以左副都御史衛既齊為都察院右

副都御史巡撫貴州至貴陽○十二月黎平府

高洞苗金倒大倉晚掛補哄等拒捕殺吏目劉

淳高洞寨苗金倒等劫殺行旅知府張漱遣吏目劉淳往緝副將侯奇撥兵同往激變逆苗

拒捕吏目劉淳及官兵二十餘人俱被殺張漱侯奇疊報逆苗連合十數寨請勦

三十一年壬申春二月巡撫衛既齊差官諭撫逆

苗不服會題請勦兵師行日仍給示領○三月重

修文昌閣成○禁止東郊煤窰以山下挖窰損民間塋墓且會

城火災多○夏五月巡撫衛既齊會劾征黎將由此也

弁控報之罪

就三月終古州車寨寨麻數處次第

漱副將侯奇扶同諱飾巡撫衛既齊

秋八月

重修貴陽文廟成

更建名宦鄉賢二祠增

設

惠藥局

既時民間多疫癘巡撫衛

上命吏部尚書庫勒納內閣學士溫保會同雲貴總

督范承勲勘問逆苗晚掛補哄等伏誅侯奇張

欵並正法

時金倒大倉

○冬十月修貴州通志

成○增安化縣學考額八名

從巡撫衛

○建東

門城樓成○十二月

詔遠巡撫衛既齊

三十二年癸酉春正月以河南巡撫右副都御史

閩興邦巡撫貴州○四月巡撫閩興邦請定編

審畫一之期○巡撫閩興邦疏請安順府官庄

丁糧按則徵收因提督陳奇首報官庄照租○

八月主考官翰林院編修審世簪戶部員外郎

陳正至○九月

詔免貴州雲南廣西四川次年應徵地丁銀米

三十三年甲戌夏四月

詔免雲南貴州四川均賠無着鹽課銀一萬九千餘

兩從總督范○進士周起渭改庶吉士○總督

范承勲陞都察院左都御史○以湖廣總督兵部右侍郎兼右副都御史丁思孔總督雲貴○

四月巡撫閩興邦 題請預撥協餉以恤窮兵

黔省兵餉每年內部預撥銀拾萬兩以備次年春季之首支放其夏餉必俟六月解到秋餉必俟歲終解到夏秋以冬三季不能放季○八月總督

首支給故請預撥以便三季首支放季○八月總督

丁思孔卒○十月以雲南巡撫右副都御史王

繼文為兵部右侍郎總督雲貴

三十四年乙亥春正月總督王繼文巡撫閩興邦

會疏 題請貴州仍食川鹽普安等四處改食滇鹽價重額浮官

民皆累故也○六月總督王繼文 題請預撥貴州

兵餉銀拾萬兩因上年巡撫闕題奉旨准行○

巡撫闕興邦 題裁新貴縣歸併貴筑縣并請

添設貴陽府通判一員兩司首領及各府首領

官正途出身及旗員俱得署印

三十五年丙子春二月內閣中書朝琦頌 恩詔

○巡撫闕興邦 題請貴州鄉試中式廣額十

名奉

旨貴州省取中舉人着照該撫所請增額准中式三名後以三

為例○五月建南西北三門城樓成○八月主考

官翰林院編修湯右曾戶部員外郎萬懷至



三十六年三月請表精忠巡撫關興邦題總督

旨建祠節奉 ○四月 題旌貴定縣林氏貞節 ○八月

進士張元臣選庶吉士 ○九月內閣侍讀阿錫

鼎頌 恩詔



補

大事紀又難考地無書事散在他書中者

神農氏三苗炎帝神農氏之後諸侯也所以歷代常

存屢不從化

昭見韋注

軒轅氏黃帝時南葵乘白鹿來獻鬯見宋志

高辛氏帝封其女盤瓠諸子於南山號曰蠻

唐堯克三苗於丹水之浦以服南蠻竹書記年注

虞三苗將亡天雨血夏有冰地坼及泉青龍生於廟

日夜出晝日不出子隨巢

夏禹設九州荆及衡陽惟荆州今黔中寧涪播

商湯時卜人獻丹砂見逸周書卜人西南彙○高宗

時鬼方恃固以擾諸夏乃伐之

周宣王時南蠻叛命方叔伐之○平王元年秦禦有

蠻氏之戎○是年晉文侯率蔡共侯擊蠻破之

○顯王七年楚莊躋將兵循江上畧黔中以西

始有黔中地○楚遣將從沅水伐夜郎改且蘭

為牂柯郡

莊躋伐夜郎至且蘭椽船於岸而步戰以且蘭有椽船牂柯處乃改其名

為牂柯○報王四年秦使人告楚請以武關之外

易黔中地○三十五年秦白起攻楚黔中拔之

○三十八年秦白起定巫黔中初置黔中郡是先

司馬錯蜀守  
若已拔黔中

秦始皇二十五年分天下為三十六郡置巴郡蜀郡

黔中  
巴夜郎地

漢武帝建元六年中郎將唐蒙入巴笮關見夜郎王

諭漢威德○元光五年使司馬相如通西南彝

道西南彝君長以十數夜郎最大在蜀郡徼外其國隣牂柯江地多雨潦無蠶桑畜產民最

貧○始斥巴蜀地南至牂柯為徼通零關道○

元狩元年復通西南彝先是因公孫弘言罷今以張騫言復通○

元鼎五年發夜郎兵下牂柯江伐南越○六年

定西南彝以為武都牂柯越雋沈黎汶山郡○

元封二年發巴蜀兵擊滅勞深靡莫賜夜郎王

印○昭帝始元六年詔立鈞町侯亡波為鈞町

王亦鈞夜即地○孺子嬰初始元年王莽篡位貶

鈞町王為侯○牂柯尹周欽殺鈞町侯邯邯弟

承又殺欽諸蠻盡反越雋蠻任貴殺太守枚根

自立為邛穀王○光武初夜郎大姓龍傅尹董

氏與郡功曹謝暹保境為漢○建武二年平公

孫述西南彝夜郎諸國悉皆臣屬○十九年西

南彝棟蠶反詔武威將軍劉尚討之時兵出○

明帝永平十七年西南彝諸種前後慕義貢獻

○和帝永元六年蜀郡徼外羌率種人內附○  
安帝永初元年正月蜀郡徼外羌內屬○二年  
徼外羌薄申等八種舉衆降○靈帝熹平五年  
西南諸彝反太守李顥破平之顥卒復反以景  
毅為太守討定之毅有惠政為蠻所懷○後主  
建興二年南蠻反李恢擊敗之南至槃江東接  
牂柯與丞相亮聲勢相連○三年丞相諸葛亮  
平牂柯等四郡○丞相諸葛亮以濟火為先鋒  
至濟開道積糧以迎亮○四年封濟火為羅甸國王  
世襲○延熙八年涪陵彝反車騎將軍鄧芝討

平之按晉志涪陵今夔費思播黔五州地○十一年南夔豪帥劉

胃反馬忠討平斬之○炎興元年魏分益州為

梁州以梓州屬益州

晉武帝泰始七年分益州南中四郡置寧州○太康

五年罷寧州入益州置南夔校尉以護之○惠

帝永平元年南夔二十四部內附○太安元年

復置寧州以李毅為刺史○永興二年西南夔

叛○光熙元年寧州刺史李毅卒城中百餘人

奉毅女固守經年○懷帝永嘉四年以王遜為

寧州刺史遜遙舉董聯為秀才建寧功曹周悅



不從遜殺之悅弟循潛謀殺遜以前建寧太守  
趙混子灑為刺史事覺遜並誅之○五年王遜  
擊滅五苓蠻威行寧土○六年益州文武共表  
涪陵太守向沈行西爨校尉南保涪陵○愍帝  
建興三年以第五猗為安南將軍監荆梁益寧  
四州軍事○四年平彝太守雷焯叛降於成○  
元帝建武元年寧州刺史王遜遣子澄奉表勸  
進於帝帝嘉之賜爵褒中縣公○太興元年王  
遜請分牂柯為平彝郡分朱提為南廣郡分建  
寧為夜郎郡分永昌為梁水郡又改益州郡為

晉寧郡事皆施行○明帝大寧元年王遜以將

軍姚嶽不窮追成寇鞭之怒甚冠裂而卒遜在

四年咸行殊俗詔除其子堅○三年以尹奉為

寧州刺史募徼外棄刺蠻量殺之諭降李暹○

成帝咸和元年寧州秀才龐遺起義兵攻李雄

將李謙任佗等雄救之刺史尹奉遣裨將姚嶽

楊術援遺嶽敗績術戰死○四年追贈俞縱為

興古太守縱隨桓彝死節故贈○七年成遣李壽寇寧州

刺史尹奉降成盡有南中之地遂以壽鎮寧州

○八年成建寧牂柯二郡來降李壽復擊取之

壽又遣李奕征牂柯太守謝恕奕糧盡引還○  
九年成李雄分寧州置交州以霍彪為寧州刺  
史夔深為交州刺史○咸康四年漢李壽以從  
子權為寧州刺史○五年鄧嶽將兵擊寧州建  
寧人孟彥執偽漢刺史霍彪以降分寧州置安  
州○六年偽漢李壽陷丹州守將孟彥劉齊李  
秋皆死之○簡文帝咸安元年以寧州刺史周  
仲孫監梁益二州諸軍事○孝武帝寧康元年  
苻堅取梁益二州邛笮夜郎皆附於秦堅以姚  
萇為寧州刺史○大元七年秦苻堅以南巴校

尉姜宇為寧州刺史

符堅於南中置南巴枝尉

○十七年以

殷仲堪都督荆寧益三州諸軍事以毛璠為寧

州刺史

南宋

文帝元嘉十八年晉寧太守爨松子反寧州刺

史徐循討平之○孝武帝孝建元年罷南蠻校

尉官○大明五年西陽蠻與諸蠻並叛沈慶之

率師討之僅定以沈攸之為寧蠻校尉○八年

以建寧晉寧牂柯平蠻夜郎興寧興古等十五

郡入寧州以蕭惠開督寧益二州刺史惠開欲

收牂柯等為內地綏討蠻濮開地調租然才疎

意廣終無所成

南齊

武帝永明三年於益州置平蠻校尉官○四年

黔陽蠻寇掠州郡

南梁

武帝天監九年蘭欽征南中五郡諸洞叛蠻所

至皆平○元帝承聖元年益州刺史蕭紀開寧

州越雋諸郡以陳智祖為寧州刺史○三年徵

南寧州刺史徐文盛詣荊州土人蠻瓚據其地

延袤二千餘里遂授蠻瓚南寧州刺史許其子

震猷承襲○二年王遵業討平安州反蠻

後魏

明元帝泰恒八年蠻王福安率渠帥數千朝于

代都求留質子○文成帝興光元年蠻王文武  
龍請降○孝文帝太和十七年蠻帥田益宗率  
所部內屬○宣武帝景明二年蠻帥田育丘等  
內附詔置四郡十八縣

後周

武帝保定二年蠻獠互反陸騰討平之又平鐵  
山獠開諸葛亮舊道○五年溪蠻歸附以其地  
置奉州後改黔州○天和五年置西寧州以牂  
柯地置費州

隋

文帝開皇二年以田宗顯為黔中太守徵寧州刺  
史竇定榮為左武侯大將軍以韋冲為南寧州

總管冲至南寧渠帥首領皆詣府參謁○三年

夔翫遣使朝貢命韋冲以兵戍之置恭州協州

昆州以夔翫為昆州刺史○四年出梁毗為西

寧州刺史諸蠻有餉毗者毗對金慟哭○十

七年夔翫復叛以史萬歲為行軍總管擊平之

諸蠻大懼請降先是梁肅為總管威震西州夔

肅上疏言南寧州漢梓柯之地歷代置郡而震

臣禮多虧請因平蜀士眾畧定南寧帝以天下

初平未許至○十八年夔翫又反帝治史萬歲

受金之罪除名為民○煬帝大業元年裴仁基  
從將軍李景討叛蠻何思多於黔安○三年以

牂柯徼外地夔州屬明陽郡○十二月謝龍羽  
據夜郎地

唐高祖武德元年開南中州縣始置務州○二年命

黔州刺史田惟康征蕭銑○三年始以牂柯地

置充州地見王應麟○南寧西蠻蠻遣使入貢以

蠻弘達為昆州刺史○四年雋州治中吉弘緯

通南寧與牂柯使皆來○八年雋州都督韋仁

壽承制置七州十五縣命徙鎮南寧○太宗貞

觀三年西趙蠻遣使入朝西趙在東○牂柯蠻

長謝能羽及充州蠻入貢詔以牂柯為牂州充



蠻一作柯別部 ○南平蠻內屬以其地隸渝州平南

州大小地播 ○始置費珍莊琰播郎牂彝等州皆夜郎國

地之 ○八年改務州為思州 ○十三年渝州人侯

弘仁自牂柯開道以通交桂 ○十七年徙太子

承乾於黔州 ○二十一年以西趙地置朝州用

首領趙唐為刺史 ○高宗顯慶元年矩州人謝

無靈反黔州都督李子和討平之 ○三年播羅

哀獠等率眾內附 ○四年安置太尉長孫無忌

於黔州 ○五年徙梁王忠於黔州 ○龍朔三年

矩州刺史謝法成招慰北樓等七千戶內附謝氏

帥也 渠 ○總章二年始定黔中等州縣官以土

人補授 ○三年置祿火湯望州皆夜郎地 ○儀鳳元

年納州獠反詔黔州都督發兵討之 ○開曜元

年安置曹王明於黔州都督謝祐殺之 ○垂拱三年貶

周思鈞為播州司倉 ○四年徙霍王元軌於黔

州 ○天册元年貶杜景儉為溱州刺史 ○長安

四年以夜郎涓溪二縣置舞州 ○明皇開元十

三年改舞州為鶴州二十年又名業州 ○二十

一年分天下為十五道設黔中道按開元十道圖八曰江南

道古揚州之南境凡五十一州其思黔費業夔播溱珍皆屬焉黔中又管羈縻州九曰劍南道

古梁州之境○是年置黔中採訪使治黔州○

東連牂柯焉○  
牂柯蠻長趙元齊孫嘉藝襲封充州刺史○天

寶五年貶皇甫惟明為播州太守○九年南詔

閣羅鳳反取夔州三十二縣○十年授趙國珍

為黔中都督國珍牂柯人屢敗南詔兵護五溪

末猶朝貢不絕○肅宗至德元年升五溪經畧為黔中

節度領黔中等諸郡以趙國珍為之○二年流

李白於夜郎○上元二年以黔中之涪州隸荆

南○代宗大曆五年改業州為獎州○德宗建

中二年貶趙惠伯費州多田尉盧杞害○貞元

十六年黔中觀察使韋士宗出奔○十七年以  
裴佖為黔州觀察使○順宗永貞元年立皇弟  
誠為珍王○憲宗元和六年黔州大水觀察使  
韋羣發溪洞蠻以治之○辰淑二州蠻反寇播  
州費州○八年祥柯蠻上表請盡歸祥柯故地  
○廢珍州屬溱州○十年以劉禹錫為播州刺  
史柳宗元以播州非人所居請以  
柳易播後裴度為言改連州○文宗開成  
元年祥柯蠻鬼主阿珮請內屬○三年祥柯蠻  
寇涪州清溪鎮鎮兵擊却之○武宗會昌四年  
封祥柯別帥為羅殿王世襲爵又封其一為滇

王○懿宗咸通元年安南都護李鄴復取播州  
○十三年南詔又寇黔南黔中經畧使秦匡謀  
弃城奔○唐末蜀王建以武泰節度使王宗訓  
鎮黔州

後唐

莊宗同光三年滅蜀得黔渝等六十四州

宋太祖乾德三年平蜀置黔州二縣思州三縣珍州

二縣播州三縣○五年西南諸蠻來附○七年

宋普貴納土歸順賜爵為王○真宗咸平二年

祥柯首領張文黔等貢名馬○大中祥符二年

龍漢瑋遣使奉貢賀東封賜錦袍銀帶○四年

祥柯蠻寇掠轉運使寇瑛調兵擊之○六年貢  
方物名馬○仁宗天聖四年龍漢瑋貢馬丹砂

○嘉祐八年廢武泰節度以五十六州屬四川

夔州路

孟蜀以黔中郡  
為武泰節度

○神宗熙寧七年以秦

州營懿等寨隸恭州○熊本發黔南義軍討柯

陰蠻○八年熊本擊渝州南川獠以溱州地來

歸○九年楊通寶來貢以通寶為誠州刺史○

徽宗大觀元年置黔南路○高宗建炎二年調

思州田氏兵討劇賊王闢○以田氏世為思州

守○理宗寶祐四年蠻酋于矢部降於元○帝

顯德祐元年加知思州田謹賢知播州楊邦憲  
並團練使趣兵入衛○田謹賢楊邦憲及西南  
溪崗皆降于元○端宗景炎三年湖南制置使  
張烈良奔思州八番羅甸諸蠻皆附於元

元世祖中統三年以譚澄為貴州副都元帥同知宣  
慰司事○至元十二年思州田景賢降以景賢  
為思州安撫司○二十年四川行省參政濶里  
吉思擊溪崗蠻平之思播以南九溪十八洞蠻  
獠率衆來降詔分其地郡縣之○二十一年發  
思播田楊二家軍助征緬○二十二年改濶里

吉思所平大小十溪洞悉為府州縣○成宗元

貞元年始於黔中等郡置屯戍○大德五年水

西土官之妻蛇節叛以其眾應宋隆濟因劉深脅取其

三千四千兩馬○六月宋隆濟率蠻兵進攻貴州

知州張懷德戰死遂圍劉深于窮谷中梁王濶

濶以兵救○十一月劉國傑率師討宋隆濟及

蛇節詔湖廣四川雲南各省兵分道討諸蠻○

六年宋隆濟攻圍貴州不解別率眾邀擊劉深

取其輜重殺其士卒殆盡○三月烏撒烏蒙東

川芒部及武定威楚普安諸蠻因蛇節之亂乘



讐起兵攻掠州縣命也速解兒分道率師討平之○七年劉國傑師出播州境大破蛇節於墨特川蛇節降宋隆濟遁去○仁宗延祐四年改于矢部為普山府○文宗至順元年羅羅諸蠻作亂詔脫歡討之○八月躍里帖木兒執羅羅斯把事曹通斬之○順帝至正二十二年偽夏明玉珍分思州為二以宣慰田琛治都坪○二十五年大理總管段功追敗明玉珍於七星關

節在畢  
縣